



宋開元寺文軫等題名

高一尺四寸廣二尺二寸十二
行行九字字徑寸五分正書

開元年冬與表弟
平郎李益侯聖舉
直郎李仲侯君宜
往開元寺觀軫先同
邵守李同林所承
阮北崖正觀時今
文軾施造經像極



緻歎其歷會昌而
完遂約金彩繪飾
聖舉君宜
畢事朝奉大
夫文
次年記像下

宋宋京詩

石高二尺二寸廣一尺七寸九行行十
四字字徑八九分至寸餘不等行書

成都宋京宏父大觀庚寅冬題
資州城郭雲山裏北巖正在雲山底
翠壁嵌空抱日明飛閣橫斜矗天起
游人祇解愛城郭不知山底幽人樂
六月全無暑氣生三春亦有林花落
蒼楠臥月影如輪乳泉濺電波生鱗

利名付與百忙者早晚自由各事身
紅蓮幕下青城客五斗留人歸未得
衙迴不用展山圖直到岵邊看秋色

宋宋京題北周文帝廟詩

石高一尺一寸餘廣二尺二寸詩七行前一行字徑寸五分
六行字徑寸行書跋八行行十八字字徑七八分不等正書

大鄉宋公留題周文王廟詩

成都宋京宏父謁

祠下壬辰仲夏月

征西將帥念君王刻石巴山事渺茫千
載衣冠付冥寞路人無語奠楸漿

典章文物一朝完有子何憂霸業難
 使阿堅生肉角至今遺恨碧峰寒阿堅

中從事時過後周文帝祠言
 廿七年矣悅詠雅宜有神物護
 如新艾來陽安才
 覽前人題紀始見手澤感
 題字在龕石座凸處不容於刻因
 脫風雨剝蝕之患且為新廟榮觀云紹
 興九年八月望日男右宣教郎知簡州陽安縣
 事 艾書

宋藏真崖銘

高八尺八寸廣五尺八寸五分十七行銘七行行十七字字徑三寸
 餘引八行行三十十字字徑二寸署銜二行字徑寸餘正書上端泐

藏真崖銘

朝奉大夫管句江寧府萬宜宮龐適文 女季循篆額
 奉議郎賜緋魚袋康肅書

政和三季歲次癸巳秋八月二十有九日始平龐適伏謁
 子言朝乘公濟於公堂高會累日二公從容謂予曰陽安江山
 冠於西蜀游覽之勝有區處邈赤水而上又得一巨石焉如屏如幃
 如虎踞如龍蟠奇伏恠名也前此未之嘗聞盍往觀焉於是挈舟而進
 二公嗟乎世辟人辟地若吾蜀之嚴李谷口之子真者使斯
 世而子雲則與草木俱腐高節妙行雖欲傳於天下不可得
 之遁久矣歸願盼之中以自顯於林泉勝槩之表亦奚異
 者耶老矣尚世俗語請揭之曰藏真之崖而屬之以辭云

赤水之側崇崗峩峩石挺竒質其竒云何斗
 旋斡以中建□旁舒而陂陀髮植松檜帶縈
 絲蘿○蛟伏怒以蟠屈列士奮驍而揮呵望
 之若可畏也秋濤洶洶於江湖之渺迫之若
 可御也寒雲勃勃乎衡崧之阿不轉不泐可
 鵲可磨吁勝覽之雄特信斯銘之不訛

宋重修白鶴觀碑

石連額高存六尺三寸廣四尺二寸二十一行行存二十八
 字字徑寸餘行書額三行行二字字徑三寸行書下端殘缺

重修白鶴觀記

承議郎知簡州平泉縣事句軫

重修

白鶴

平泉縣郭東門內白鶴觀據鳳翥翱翔形勢擅仙客高潔聲名
 扣而穀和木茂枝葉扶踈地靈禱祈信驗氣象輕清虛凝爽塏
 廊廡斷續草侵庭戶鼠市於晝良可嘆息政和四年甲午夏
 愴然乃集諸道衆論之曰茲豈為
 國儲祥之地邪何荒涼寂寥如此已甚也知觀張洞微曰唯唯軫
 豈為民祈穀之地邪何隳壞蠹損如此已甚也張洞微曰唯唯軫
 其粟者無避其事任其責者不辭其勞早為之所俾勿壞張洞微
 軫再語之曰盛夏非土工之時食貧艱浮費之用因舊補廢改故作新
 必勞民費財然後為之張洞微曰敢不從訊故起工於五月庚
 巳已用力少而見功多費用省而成効速殿宇齋房

觀記

天神象煥然備怡然成軌聞天道以虛無為宗以清淨為本愛
福善禍淫為應震耀殺戮為權消息為虛為度運行不息至公無私
子貢曰天何言哉四時行焉百物生焉 廣成答列禦寇曰天豈
聽卑難窮而易蹈自古
聖賢化天下訓後世未嘗不曰天而立教也創是觀者無乃尊
教寓道託法於靈壇異跡之地為一方勝境耶不然水旱可以祈
以保壽筭如是之應也謹誌興修歲刊之於石而傳之不朽庶幾
政和四年六月二十六日記

朝散郎致仕賜緋魚袋李 隲書并

宋龍洞碑

石連額高八尺七寸廣三尺七寸十六行行三十六
字字徑寸五分正書額三字字徑八寸篆書陽文

龍洞碑

資為左蜀支郡龍水為屬邑風俗淳厚不仕則農耻為罪故
言秀民者必曰龍水蓋山川炳靈所鍾異焉子始至广下非
以日日與者從笑如在禪房道院蕭然忘流落之
口也會歲畢祈口口口有龍洞者口多靈感懷民不口口
口口亟走祠下肅致誠懇執事者方陳牲口甘雨已注風雲雷
電出入口口所在俎豆口口者莫不悸恐自口口必應以口
誠叩高邈如口口形口話言也前口不稔比閱口閏既獲豐年

金

石

苑

宋龍洞碑

政和五年正月

資州

民思有以報於是開拓故基夷其丘垤實其豁壑然後其平如砥以新締構焉凡為殿三掖以斜廊環以廡對峙二閣以載寶鍾以藏玉笈南建重樓下開三門精□□清□□又居其東無一不備者昔之丘□□莽化為巖淨上聖高拱羣仙列侍□□瓌竒金碧明煥□之峯巒回抱巖洞邃深神工天設□治以後其源又甃其中□為祠堂以堦龍像北對洞門創□广以便款謁父老時以荅□□□如此則神之降福於是邦也何有窮□乎予游四方所見名山勝地必遠人地山水雖竒矣土木之工未必稱是土木稱是矣未必有惠利及民乃若龍洞則近附城郭山水□絕土木□□一念有禱油然作雲不崇朝□

及千里豈尋常遨游宴賞娛耳目之地哉古語有之謀事非難作事為難作事非難成事為難予以謂成事固難矣至於不私一己志在□人不待賞罰之□不為謗毀所搖而能成事者尤可以為難數君子者經營不倦可謂賢矣華陰□□記

大宋政和五年歲次乙未正月十五日建

宋龍洞碑

石連額高九尺廣三尺九寸二十五行行五十字字徑八分正書額三字字徑八寸篆書陽文

龍洞碑

政和二年冬蜀無雪迄明年夏五月雨不濡土民始告病宰吏
惴恐龍水縣尉□損為其民□祠於□□之下徃□夫□□丁
大土明日□之老稚歌舞乃以其事白郡太守張公稟公顧念
三邑澤未均□□□□具詞遣司儀曹事楊裳不遠百里告
于其神□神□于幽有時而顯豈屯其施曲惠被民祭之明日
雨及千里歲以有秋洞在龍水縣治西北二里東西百尺南北
過之當二山□抱闕壬坐丙向前峯對峙如闕正直龍溪仙家

所謂陽洞非魑魅妖恠之所憑□其下昔有淵潭深不可測埋
閉者三十年□而邑之前令所建祠堂與磨崖鏡碣所著神應
具在邑人德其賜相與禱請浚治廣其故祠傳道士掌之損以
邑人之意告司士曹□□京請錄其實京凡再辭不可則謂之
曰

天子以民社付之外臣不以險遠叢陋而殊其治

上帝以山川畀之神君不以慌惚茫昧而闕其職隱顯雖殊其
為民望則一也民有休戚利病達於

君而求神明則訴之於吏幽則禱之於神吏有賢否且數易故
民之望之也輕神聰明正直依人而行其居不遷其享無□□

□□望之也重民雖輕於望吏而吏能不鄙夷其人愛之如子
恤之如家不以亟去而怠忽其政乃能稱

天子之意神知民之望於我重而旱澇蚤鼠非喪之能却感即
應求即與乃能契

上帝之心是 □神□比其職相為始終猶陰陽之共成歲功

也資為左蜀支郡龍水為資下邑川谷回遠行旅少至故為吏

□□而不□□其民□□□士才而文其山水秀而深其風

物柔而麗故來者必樂之吏安其土則能□其民神享其□□

□□□□上下孚悅神人歡欣則雖天下之治不足為矣又以

前崇寧尉范懔所記遺事來示言□□□□天禧間有邑官以

家□□□□□龍□潭水為異物攫而入其家啼呼環守之
夜有擲書於岸者視之女封□也言受□為龍偶願無悲戚已
而鱗鬣□□□□□□□□乃羅甲□□左見女子踞
石理髮盍具甚異嬪侍皆姝美甲直前視之皆去入潭間遺釵
鈿石上若膠漆□□□□□□□□□□人常白言□此有神
龍去生異國聞者非笑之然自是潭面淤塞矣慄又言凡歲旱
必禱禱越夕必雨雨□□□□□□□□□□□□縣以龍
水名始隋義寧二年唐如其因或曰溪彎曲如龍形又瀕江之
地多以龍名豈昔有龍居之□□□□使龍而去則不應有是
肝□使其居此則不應淤塞其宅宋子曰嘻耳目之間接不及

於遠外者人與物也龍既神矣其□□視其居如弊屣其應也
雖千萬里苟誠至必達焉如以己而度神則陋矣既為序其事
復系之以銘又得尚書郎張察篆其□□□□昭昭神君與造
物偶莫之制蓄潛此豐蔀一勺之水中涵太虛或時變見不有
厥居山中之人識其故處中浮羔豚恍惚如遇爾欲麥禾我雨
濛濛國既無瘠繫誰之功爾欲秔稌我雨淅淅溝既無殍繫誰
之德神君欲來雷鼓填填蓀撓蘭旌晡後先神□至止□□
環起榭酒桂漿肴錯珍美神君既去山空月明活活流泉揚我
德聲咨爾父老及其孫子無忘神君臨若慈父神君□歸麥各
□左□□□山□為重淵

宋政和□年歲次□□冬十月十五日建

宋龍洞碑殘石

碑存右方下角高四尺三寸廣尺六寸五分十行行二十九字字徑寸餘行書

邑以來未嘗有如此異處也

不復...之...遇

吾州揔縣四獨龍水為小邑而士之奮志力學敦廉隅尚氣節感際以取利
歲也意其溪山清泚之氣迺鍾在人而英靈秀發殆非偶然者今楊侯又得
巖氣象呈露顯埠以與此邑增榮耀於無窮豈特祈為旱禱澤及一方而已
若擾中若定率之遺惠於將來而人之情多見於耳目之所及而不見於耳
目逆識而造為之所謂事者殆將委靡泯默茫乎無聞者皆是也巖之興若
與成之宜乎間有不豫者惟始而疑終而豫久而憂然後知楊侯之不負於
字益老博學而能文聰明而敏茂予歸自都下過龍水一見而交莫逆且頻
巖之名得侯而後顯郡太守之賢又能亮而成之是以事立功完而惠利之
因喜書其事并告邑人焉政和六年正月望日資中趙宗堯記

刊者趙德用

金

石

苑

宋龍洞碑殘石

政和六年正月

資州

宋知縣程公政事記

石高三尺九寸廣三尺四寸三十行行三十一字字
徑七八分行書額高廣行七字正書

知縣程公政事記

知縣程公政事記

文林郎前果州州學教授劉時行撰

治者君也求所以治者民也推君之治而濟之民吏也凡曰吏均推治以濟民而尤切於撫字者惟令為然令得人則百乘千室被其休否則政治弛而敗蒙其害者豈淺耶故在昔郎官缺則擇常任縣令者補之而內外官五品以上者則取之以為令然則令之為任重矣哉夫水之為邑距州百里介兩山之間揔

七鄉之衆其疆封為狹小也然民淳俗易樂於奉公其詞訟眇他邑最為寡少故來者率易之以為不足治而治不加力敝弗救傾弗支而民因得以為藪焉蓋一邑之衆不無詐慝亂常者以幻誘良民是致多為隱寄苟避賦役僥倖之後泰然自足而困役傷財者有不得終養之患以是為病蓋累年于茲矣惟程公以高才碩學俯掇科第下車敷化風動神行巨德清機足以燭幽隱之情鎮浮薄之俗前所患者於是迪之以善示之以公俾之白首而原其臯簡不率者乃力治而痛懲之故慢公因上之徒電滅影息而下民無役使不均之歎占籍之戶昔止二百五十有八今而歸三等復版圖者乃至於三百七十有三用度不乏征役以均故雖西南小醜跳梁閱月而吾邑之民副軍須充邊役者皆樂輸而无怨自非剗裁有道未易為此特邑仕也迺者掌教南充稔聞士大夫之論文口而談程公之美多矣暨得解還舍入其境亭館嚴潔儼若公宇固已欽服其為人過其邑眇梁伸若虹塗平如水乃繼之以嘆曰嗚呼吾邑久敝陋今此一新使人意奪神駭信乎公之所為果有以大過人者故併書之以告後焉

普慈

程公以兼人之資治吾邑百里之聚剗

割剖析游刃恢然錯節盤根物迎縷解三年于此

吏畏民懷害者除利者興敝者以新蠱者以振事

有益於民雖艱必行作有撓於法雖微必去以故
爭訟衰息姦宄不興內外肅然廓然無事多隱寄
之淑蠹政之尤者
公灼見本原懲之以法翦
孽除根民咸受賜是宜鄉人

劉當可樂為道之刊以翠琰俾傳無窮夫隱寄一
事尔何足為

公政之善是不然避賦調賊良民敗法乱政而每
難於省察者也舉難之善其易可知異時操是以
往治一國宰天下經營施設裕於有餘茂業殊勲
且將書竹帛藏王府矣蹄泐尺澤詎可辰吞舟之

志哉政和六年五月十五日邑士呂□謹題

邑士譙符弟□獻明瀛劉勳向豐景堯

刊石

宋李孺人鄭氏墓誌銘

高八尺廣三尺七寸十六
行行六十字字徑寸行書

宋故朝散郎孺人鄭氏墓誌銘

承議郎前合州石照縣丞管句學事任忠厚
撰

朝散大夫致仕李騰書

中奉大夫直徽猷閣提舉西京嵩山崇福宮

賜紫金魚袋張察篆

朝散郎巴西李洵直將葬其孺人鄭氏泣謂其友任忠厚曰哀
乎天之奪吾助也鄭歸我四十一年多親悅其孝吾兄嫂喜其

順族黨善其睦閭閻肅然上下咸宜之不知其何以致此吾平生飲食必適口衣服必稱體皆不戒取具祭祀賓客中饋酒食靡不豐潔若不知其所自來吾歷官二紀餘旦出莫歸汲汲於公至門內事漫不省問然未有一不如意者自吾妻之亡雖有兒婦皆幼未任事吾始稍稍親家務如秦人入齊境一二以問其風俗願吾衰矣豈堪此也追思平日家居之逸殆不可復得吾以是重哀吾妻之亡戚戚有不能釋者今窀穸有期子為我銘其墓而慰吾悲可乎忠厚曰予從洵直游三十年知孺人之賢詳矣敢不銘按鄭氏之先有覃為唐賢相其孫從革仕僖宗朝為御史從狩留蜀遂家彭之濠陽至孺人七世矣曾祖植

不仕祖行簡以隱逸被 詔不起父檝邛州安仁縣主簿孺人年十九歸洵直未暮年先姑即世孺人哀毀如喪其親舅銀青公治家嚴肅孺人奉侍勤謹家事整廢不啻其意與洵直侍銀青伴廣漢歷守果邛二郡暨得請還里至捐館左右奉養如一日銀青每稱曰吾家孝婦也既而偕洵直宦游所至量俸入為出其取養未嘗求土物之所無惟恐毫髮侵漁於民也洵直於官事有持疑未決者輒參訂之洵直所至見謂廉幹孺人有助焉性仁厚樂施予親族鄉黨多所假貸視其貧甚者每為折券外甥梁元輔三歲失母依于外族孺人撫育教誨極有恩意元輔年十四始歸其家後以上舍擢第歸拜孺人感泣不能已

洵直嘗令遂寧之蓬溪有為匿名飛語欲中傷之者物色未得
邑有狡胥屢以辜犯被刑孺人意其所為以告洵直洵直詰治
之果叩頭服罪孺人性雖仁愛其智察文穎此年五十九以宣
和元年五月十四日卒于家二年庚子歲三月九日己酉葬巴
西縣左縣鄉宋武山下先塋之次孺人男女各二人其季者皆
蚤世今一男曰廡夫郡學生開爽有立一女曰幼閑在室孺人
始封普安縣君後改曰孺人今又當封安人云銘曰

柔惠令泚

是謂婦德

專其內治

又婦之職

或靜以柔

而職弗修

或善其治

德則不侔

婉婉孺人

來相高門

令德在躬

中饋是勤

潔尔丞嘗

豐其甘旨

宗族咸宜

賓客燕喜

俾尔在官

績譽有輝

顛齊百年

中壽遽止

德音之垂

為來者規

我銘其墓

以著闡彝

宋宜人鄭氏真贊

高六尺一寸廣三尺十行行二十字字徑二寸結銜二行行二十三字字徑寸額四行行三字字徑五寸八分書

宋故名朝請大夫宜人鄭氏真贊

左承議郎權發遣蓬州軍州兼管内勸農事徐非郭黃中撰
右宣教郎新奏美成都府路轉運司孟管帳司文字張味書并題額

宋名朝

請大夫

宜人鄭

氏真贊

粵唐名相 策陽之孫 從狩于蜀 留止彭門 逮于五世
高蹈丘園 恩詔不起 流澤來昆 慶闡鍾秀 實有本原
佗媿君子 聿修婦事 甘旨烝嘗 無替中饋 以燕以休
靡不當意 睦婣咸宜 教載盡義 上奉下協 於昭厥懿
家無廢札 門無留賓 相爾義夫 所券郵算 救患起疾
感動鄉鄰 下暨臧獲 熙然如春 信厚自天
殊異乎婦人之仁 惟靜也專 惟順也直 見幾而敏
遇事則飭 游觀是屏 言動惟則 廉恥令終
可曰觀德 吁嗟乎其斯為閨闈之式

宋閩州香城宮五百羅漢堂記

石連額高八尺六寸廣四尺四寸二十八行行五十字字徑寸餘行書額六行行二字字徑四寸正書

閩州香城宮建五百羅漢堂記

香城宮建五百羅漢堂記

朝奉大夫光祿少卿權太府卿宋京題額

承議郎尚書金部員外郎劉湜書

承議郎通判閩州神霄玉清萬壽宮同管勾管勾

學事權軍州事借緋魚袋趙宗堯撰

環閩城皆山也世以城南錦屏為傑特第一余謂香城氣象由

陳氏書巖分嶺而下高大崢嶸形勢岌業突坐于嘉陵之上而

大像

崇岡

偃蹇對峙若領羊袖回伏盤礴西望錦屏相為表裏

宜有上士異人卜築此地幽居棲隱始足以副是山魁大英靈之氣詢之

果得

二人焉曰畢氏善暉曰羅少明道人始余得倅

閩中迺吏至京師已聞道人之名喧傳三蜀矣既抵閩士大夫稱談不容口日

困簿領未暇訪道人而道人自安於山林之莫

予訪也間以使令致懇邀過公廡道人始至其目皎然行如飛

動赤脚烏髯坐不用榻自言山野與麋鹿群不閑人事既見之已奇且異也即之既久言辯而達浩如傾河譎恠縱橫道通為一自是相從日熟然非招未嘗至也一日道人惠然肯顧袖出軸文且言山野少時貧甚或遇異人囑曰他日遇香即住見城

則心居無何聞郡之東山有香城宮者蓬頭跣足因往謁善暉師二日子非關子乎曰然師何以知之師曰夜夢子來已具言矣遂留香城願養道脩行以成夙志而師解衣推食待如故交怡然相結為道友同發三願二興建香城願度三世出家願畢生不近嗜欲葷酒師以去年六月三日坐蛻而去師未去前嘗囑山野曰魏二殿堂今既就緒唯得貳車權府記其首末刻之穹碑以傳不腐願斯足矣山野自謂雖方外人然以業梓禮尚躊躇不敢間一夕或夢師謂日向所託求記何不留意邪既覺遂呼師弟子惟真燃燈伸紙書師平日行業與香城興廢之由以獻願公無辭焉竊考是宮之興肇於東晉耆舊相傳謂之香

城迄

皇宋建隆之元年仍以香城賜額建慶厯中一為煨燼香火弗繼後雖有作草屋數間僅庇風雨既而暉嗣先師守和住持邂逅道人力謀與大初未有營建之資也後道人歸自西州而成都巨族大家專介至閬助施六百萬錢改和乙未首議創建而所置材植咸在遠山轉致匪易師期以三日必至乃於靜夜焚香懇禱遂巡大雨江溪漲溢翼曉木植漂流畢至宮下若有神明默相之者由是殿宇翕然就功宏麗高廣輝映淨土無量勢至隨以塑成五百羅漢周列左右以至門楹廊廡厨寮館庫翼然一新靡不完具來者觀者作禮讚嘆蓋師自幼警悟出俗已

驚人或說母康氏嘗夕夢一士被髮衲衣倚門而告曰吾乃香城羅漢願假一宿母然之因孕生暉初誕之辰白光滿室固已異常人矣年十歲告其母曰愛河浪闊生死波深願欲出家究竟彼岸父母異其語從之後蜀守虞公尚書聞其始生異迺求度為師廉衣而糲食堅忍而重義夜讀蓮經一字一禮手植林木不憚辛勤常曰東山有衣州人庶富其持心平等類如此計殿之費僅萬五千緡有奇闔郡衣冠喜捨甚衆聞有弗瞻師念一起物之皆至初殿成欲舉梁以落之念得百緡始辦其事翼日俄有人自蓬池來施三十緡不論姓名而去向非大善知識根器夙悟又焉能使人歸信若是邪而少明道人以光明眼照

三界外洪務濟物一毫不以取人故能相與為世津梁作大緣
事茲亦香城有以作興故假二人力以成之也然則興建之自
詎可無記乎乃并為之倡曰 香城朝兮碧霞晴香城暮兮
白雲生境中有物亘長在今古獨瑩寒江清八風不動堅固力
萬牛回首蒼煙平堂二金碧照無盡虎嶺松峯伴月明記撰於
宣和二年正月二十三日道人命刻石立於殿隅之南云

奉議郎知閬州閬中縣事邵元立石

德士何祖成何惟忻刻字

宋渠州珠山佛現記

石連額高五尺廣三尺二十五分十七行行二十七字字
徑八九分至寸八分不等行書額六字字徑三寸餘正書

感德大夫知永寧軍事管內勸農事兼管內駐泊兵馬事丁

井

奉議郎梓州路提舉學事鄭

○

迪功郎渠州流江縣尉王

位

渠州珠山佛

佐備負流江時承秋霽每想吾鄉遂宣府寶珠山觀音現相恨無
觀偶 學使鄭公按部入境以職事將迎款回趨州至珠山十里
使旆不進隨直兵從誼呼於前爭指佛現是日也積雨初晴雲霧
梁於山腹間布鏡羅綿傍有兩白臺直上指天中現五色大圓相
中有一佛相如水墨像踞蓮華座作大自在聖凡相視無間纖毫
躬合掌或設禮拜而光相中人人久見自己更無別觀眾共瞻仰
無量異口同音讚歎希有是知佛現遍在一切處不獨吾鄉非私
也走卒賤隸咸得見之然則佛之妙相或隱或顯凡夫或見不見豈
然哉佐幸慶遇蒙慈願力生大歡喜心不異念越三日後送學使

金

石

苑

宋渠州珠山佛現記

宣和二年八月

渠縣

現記

謁天宣住持文遜語以前意遜曰此即珠山也山塢有一刹乃古道場
 寶珠光相曾現于山猶有見者豈山蘊靈氣不能自秘必乘時顯現以
 為盛世之瑞耶然昔為寶珠形今現為佛光由感果之不同故所見施
 異耳實不可思議一夫事因緣宜鏡諸石普願隨喜見聞入佛知
 佛壽命於無量無邊也宣和庚子八月念三日記 門下僧

宋王夢易墓表

石高七尺七寸廣三尺八寸三十五行行七十字字徑八分行書
 額高一尺六寸廣一尺九寸四行行三字字徑四寸五分篆書

大宋故贈通議大夫王公墓表

大宋故贈通議大夫王公墓表

觀文殿大學士通奉大夫提舉西京嵩山崇福宮清

河郡開國公張商英 撰

太中大夫守尚書左丞兼神霄玉清萬壽宮副使隴

西郡開國公李邦彥 書

保和殿學士銀青光祿大夫提舉上清寶籙宮提舉

三山河橋安定郡開國侯王昌齡 篆蓋

太常博士王潛夫元豐末非辜失官元祐丙寅八月十五日以
宣德郎終於南榮私第終之日其夫人向氏年三十六三男子
長曰靡次日庠年十六次日序年十四夫人執二子手泣於柩
前曰未亡人不能雪吾夫之橫逆復夫之官庠序未有成立終
不葬此柩也於是專室靜居命諸孤從賢師學夫人於
欽聖憲肅皇太后為從祖姑

欽聖聞其守志立節又憐二子白身首恩官庠序以遜序兄弟
力學能文崇寧初偕貢禮部不第庠謂序曰吾弗隱誰侍吾母
子弗仕孰大吾戶已而庠以侍母凡一十一次堅辭聘詔序
兩獻文入等稍遷都水監丞治塘隄有勞三歲五遷至朝奉大

夫遂封贈潛夫朝奉郎二子泣請於夫人曰母之教子志已成
父之官已復而有加矣庶可葬乎夫人許之既□□兆而夫人
亦歿遂合祔焉夫人之懿行孤節馮澥既誌而銘之又謂潛夫
為前輩解不及見而知之盍求與潛夫同時偉人紀其詳以信
天下後世庠序以書來曰唐人銘誌子孫不得柳公權筆以為
不孝昔者先子獲交於吾鄉先生無盡公詩編簡牘祕於私家
者具存也先子之平生及其誣服抵罪鄉先生固知之矣苟無
一言之賜則庠序不孝之罪終天何贖耶予嘆曰尔父之為人
吾與范蜀公何濟川深知之尔父之得罪吾與諸人蓋嘗扼腕
當不幸時尔未克有知予與諸人竊嘆而無及焉今庠也太學

定八行全備為天下第一名上于□又以從官之請旌為廉遜處士序也以仕官褒顯累遷太中大夫擢徽猷閣待制知三城又

親賜進士第夫君子之澤五世而斬不質於人必質於天二子何必以吾文為孝之盡哉勿已則楊天惠所作雙溪先生傳盡之矣傳曰先生名夢易字潛夫其先京兆人□□□德曾祖蘊舒方蜀盜引衆圍州危甚蘊舒夜縋出乞隣救城以完州人德之蘊舒生長鈞長銳當淳化初順賊擾掠過榮長銳又有完城之仁長鈞生伯琪贈殿中丞伯琪與其母□□□居四十年雍穆無間語有三子長夢禾仲夢得先生季也俱以孝友聞能

世其家法御史陳諭美之以鞞鄂書其亭之顏榮人號為義門王氏州上其行乞加旌表潛夫皇祐元年及進士第調綿州法掾始到轉運使出巴西滯訟數百牒命理之皆辦異其才率同列交薦遷石照令邑民喜鬻獄□衛氏子挾母以欺兄其兄乃前母之子獄久不決潛夫察愛憎均□□使母子如初有一家三人夜漁於峽口為盜併殺溺其屍而舟在潛夫悉□瀕江民聽其辭色疑二惡少械繫閒所使人□□伺察之時縱鼠以出示若無人二囚私語曰姑忍之行不死矣按下人突出就證囚遂服罪一縣稱神明前此苦徭役不平縣占籍戶三千而下戶無門番□潛夫鈞得冗民隱避者數百家勞逸始均州因命潛

夫正衛籍甲乙有差率十歲為一周遇歲飢疫出私錢十萬設糜淖儲藥石為吏民先所活甚衆邑人述惠政錄刻于石再調□石復有能名開封尹傳求薦右軍巡判官數雪冤獄有異狀增秩一等除通判果州潛夫久攝守大興泮宮隣郡皆有來學之士盛聞四川州濱涪江屢齧城郭潛夫親□其災築西面隄二里增府屬之樓觀利及於後熙寧役書新下有司不諭德意潛夫以稅定□□十取三以為式比一路最輕平就求普州得之值在勢者不悅以事免造朝舒國王丞相知其才將用之會出□□授興元南■縣移擢興州蜀司運茶入秦艱於募民滯留乾沒歲以萬數潛夫備奏公私之弊宜放郵傳法置遞兵便

仍預言曰臣今所陳貽當職怒或以他事中傷臣不敢憚

上可其請自是歲辨邊計郡邑數千里免抑雇妨農因以養游手萬家至今賴之時當職果怒潛夫專達誣以私役保正被謫還家潛夫治歸來亭於徙居雙溪上坐客常滿因□客曰陶淵明從人得酒乃一醉度一月醉幾何吾乃日有酒以延客豈不優淵明耶初榮之鹽井藉民熬輸歲久澹竭□□□□以償虛課禍逮子孫悉捶撻無完肌獨免有祿之家明□□郡守李畋患之公之伯父及殿中公率衆聞于州按法官戶免色役而不免科配請以官戶均煎遂紓一方之困畋既還朝力言於孫文懿公孫以序美之曰抗意卹民古君子也□□痛疏其弊章上

不報厥後有祿者興訟將詭法中王氏殿中公銜寃先逝親脫
兄於□兄亦□卒于獄衆切哀痛潛夫既成童伯仲力教登科
雖蠲本戶之輸泣曰吾父為衆之公心□不伸於泉下乎屢白
州縣不聽則言於使者及省部又不聽則移書宰執最後陳公
希亮判三司戶部句院以其書聞乃還籍沒者三百一十五家
命下之日鄉閭感涕又歲蠲三十餘萬斤自是鹽賦遂輕民得
蘇息皆潛夫父子終始之德潛夫雖不極于榮今流慶後昆天
定勝人豈誣也哉又喜誘掖後進聞人一善若出諸已濟貧賑
困盡其誠心固宜有後也揚天惠傳大槩如此亦幾以增損矣
潛夫以庠特恩贈太中大夫序累遇郊禮今贈通議大夫女三

人長適□□朱立次適中大夫鮮于之武季適承議郎呂元溥
孫十三人鳳寶瓌寶楚寶賢寶儒寶道寶早世芹孫迪功郎公
孫桐孫卿孫承奉郎槐孫慶孫通仕郎興孫承務郎曾孫四人
曾慈曾光曾□曾封尚幼

無盡居士表其墓曰予讀李邕傳見其以文章直氣為姦邪所
惡誣以重罪使吏評治事出吏口迫令手書未嘗不掩卷流涕
而嘆曰安得寬平之人使之治獄為吏哉以李邕之獄例之則
刻木畫地自昔而然豈矢人不仁出乎其術抑蝮蝎之性異形
而同毒哉王潛夫樂易急義人也身死之後交游散矣後二十
年二子卓卓有立能從馮長源鄭少微揚天惠求文以顯親之

名又拳拳終不釋予予惟天之報施至微而不可昧曲於人者
天必直之殃於人者天必慶之潛夫之後方大而昌尚何辯哉
尚何辯哉

宣和五年六月二十一日男廉遜處士 朝散大夫

庠 男正議大夫充徽猷閣待 制知河陽軍州事充

陝西河東河北路宣撫使司隨軍轉運使 序 立石

宋遂寧府蓬溪縣新修淨戒院記

石高八尺廣四尺六寸二十三
行行四十字字徑寸八分正書

遂寧府蓬溪縣新修淨戒院記

中散大夫充右文殿修撰知遂寧軍府事管句

神霄玉清萬壽宮兼管內勸農使郪城縣開國男

食邑三百戶賜紫金魚袋李孝端撰

東蜀地險且隘非山即川間有平原隨其陸之大小以建郡邑
故土地廣闊比之他路蓋為少矣然士民信嚮釋學多喜其教
人不以盜賊為意雖村落之民迥居郊野未嘗有驚竊之虞由
是僧居禪律相半亦何盛耶遂寧府東北去城四十里夾於蓬

溪道左有寺曰淨戒乃唐軋寧間所建昔号大輪今名之所賜寔自 本朝始有大佛與五百羅漢二殿基構規模依山附險纔蔽風雨而已然地之所占殊為勝槩林茂巒秀周覆密鬱環蔭於下古藤盤繞垂結喬木之間掩映滿目真若圖畫使善繪者有不能也人一到之無不惋愛以為絕景佳處往往留連徘徊忘其去而不能捨爾前有僧德脩及見管句祖善慨然有志出於誠心惜其舍廡未廣供事未盡欲興完而增大之於是夙夜匪懈奔走水陸未始敢已務在緣化以畢其願孳孳始終相繼踰三十年方得就緒取院之上巖依廣闊形勢為釋迦弥勒二大石像隨其高下設重閣三層以嚴奉之又置大部經四列

於閣之左右則二僧先後積力之勤真可謂不負其志矣德脩歸寂既久獨祖善尚存雖不識之今將以是而觀其修建之由亦可知其勤也已宣和辛丑六月僕守遂寧癸卯將及瓜期府學正陳諮有請曰鄉僧祖善念其師德脩興院之功世莫或知以謫辱在門下顛因請記其事丐文以叙之又松楸密迓歲時必造竊不敢隱區區幸被光榮焉陳侯一鄉之善士耿介有持守特為邦人所推重曩嘗以八行薦之於朝今既來請義不可拒其詞曰

武信東隅望良弓

山原秀峻何崔嵬

茂林古木

鬱叅差

下有古刹建路岐

唐昔創修經幾時

當年起者人為誰 中間隘陋且復衰 棟宇傾
歌將即隳 釋子結緣志不移 奔馳水陸念在斯
德脩興創立規儀 確守挺然誠無欺 祖善
繼脩能扶持 合謀成就遵其師 迺來營繕敢怠
疲 歲月愍勲功益弥 三踰周星匪緩治 一
朝金碧驚神為 聞皆歎息觀生咨 大像巍峩閣
相宜 四部經藏列於茲 使來瞻仰生懽怡
壯哉示此真慈悲 如是能觀復何疑

宋宣和五年六月十八日從政郎前充資州州學
教授馮耘書

宋雙溪記

石高三尺五寸廣四尺五寸十九
行行十五字字徑寸八分行書

宣和癸卯唐安任宗易從簡攝守南榮
孟冬初五日率鄉大夫表申申之資中
何慤端卿天彭楊 臣遂宣陳開亨
道金川郭純中英發謁 王庠周彥
於雙溪之上時周彥之弟序商彥久去

雙谿從二宣撫平燕雲凱旋入
對茲地名聞四川昔者
通奉王公諱夢易字潛夫以伉直涖官
晚築歸來亭於溪上同
碩人向氏卜隱於此向氏大丞相魏王
諱敏中之孫少師諱傳師之女
欽聖憲肅皇太后之從祖姑能守義於

遠方士族娶居雙谿力教諸孤時長子
靡教源年已踰冠惟庠年十六序年十
四暨學成皆外貢其後庠以侍母累辭
詔聘太學考八行全備居天下第一亦
不赴
旌為廉遜處士序兩獻文入等蒙
上識拔擢登法從

宋東嶽行宮正法院新創妙通朱真人洞記

高三尺六寸廣三尺二十四
行行四十字字徑八分正書

東嶽行宮正法院新創妙通朱真人洞記

上清天樞院修文直史校天台內王玉京斗院宣

應功曹掌當院書奏正一靈官周□□□

先生姓朱晉人也周遊蜀鶴鳴山隱顯不測自稱為朱桃樾至
石扃洞門影響殊異先生多治眼疾一一無不愈也屢得

皇賜為安靜觀號希夷先生昔先生有暗助神化功佐明

主上帝有宣詔號為丹霞大帝君先生抱

朴直一無願不踐自不同於凡人有生死寂滅純守自然之性

隱逸無為之節或□二從為長椿梓杞或帶□□竹冠布衣
道逍遙忻忻杳杳今是處雖有事真之□而不知真之實也
□間雨□李仙山□□進士陳真世系羽禍宗派黃冠三代奉
於嶽神一躄飯修正□且不念□□寂寞習術棲真乃以考召
降魔陰功濟世真所謂學延上法消積過愆於歲之庚子詣西
蜀益州謁禮於保和真人裔孫王君求受法籙捍危救苦王
君曰我家法祖流於四方惟是道心堅固方□於真人耳真
備信跪受籙文而歸後僅數年於本里得道山張僊道場下
別敷此法執符籙歸於道院齋戒其誠自表奏於上蒼曰臣
寡陋弱質慮黑業而不消皇天鑒衷願洗摧於丘積或一日

三天降命頒授紫庭才威靈曹屬而主壇場助藥使文官而讚
妙化予等初承上命一意奔前種種施為□於此日一旦真
露香而上白言仙曰今願欲創一宮而奉於真人卜地無
穩真官曰可於重□之側最為真跡也真悔然將疑石而不
實退思而已真官復觀真不從所跡遂乃驅靈神而爍火仗
六甲以役工自此方知神人點穴於斯乃無誤用舉工漸緒
真官復與真曰崑居穩合谷神自然勢當□□功補闕乎最宜
遠日副超幽之大力也又有此側嶽宮樓閣徘徊神曹灑灑上
下積翠左右環然峭壁隱嶺里人圍遶舉其地者銀峯楊沅而
施創其全者刺史成公而興其次有轉手掃洒者羽禍陳侁粧

巖勝地者雲間衆仙也今已洞事周畢 真像告成冀來請名
於洞 真官降言曰歸真也人得真道溫毅和粹朴略英賢人
不得真道頑很蔽塞虛偽諂詐返窮祖復窮源真所謂歸真之
義各有出於包含大道樞機各有司於人物豈可一槩而定論
則言歸真返本盡性歸空凡物驟然亂人境界為今日修智立
身之道本謀於生死快樂之宗諒陳道灼精功之誠須有遠避
於生死去處大抵謬物觸忤造化妖叛逆於神人然精功超幽
者凡人之類也忘機退思者本質歸真也天下士一芥豈得無
人惟是公等有宿骨交契於神靈但雖有儒生讚志而未能窮
其祖末故昏昏開頑鈍夫之口各令有稟智性長生之路哉時

留君
皇宋壬子月終餘旬周□□題又恨薄句去而未盡再以偈而

宋文正倫墓誌銘

高六尺五寸廣三尺四寸六分二十七
行六十七字字徑八分正書上方泐

左朝請大夫致仕文公墓誌銘

左中奉大夫提舉襲慶府仙源縣太極觀

□□□□□□食邑五百戶寒 蒞 譔

左朝請大夫新美通判涪州軍州兼管內

勸農事賜紫金魚袋□ 洪 書并篆

元祐紹聖間

國家承平之久文物盛極太學諸生三千人

更相甲乙其推蜀人者中有二文之目乃左縣故左朝請大夫

致仕 文公與其弟正思也後四年丁丑 公□□□□

金石苑

宋文正倫墓誌銘

年月泐

綿州

以為常 公督治三邑具入以時畢州州無科余之患
諸臺列薦進一宮代還乞宮詞差主管州州
朝請大夫州贈宜人五子曰震
以陰任右迪功郎前監州甘泉縣酒稅日良擢進士第左
宣教郎知遂寧府小溪州州州州州州州州州州州州
也一女曰秀州州州州州州州州州州州州州州州州
男十一人曰式式式式式式式式式式式式式式式式式
式孚式孫女十三人于安
公資性孝友一弟州州來亟歸
奉板輿既終制遂安養怡怡無進取意居官愷悌所至不

必諸史所著有左氏糾三
卷若諸書人名者為小名錄三卷自左氏至唐史悉手抄
其以論正名左氏曰冠冕西漢曰東巖
野老集八十卷 公文章如班固尔雖字書勁率以
為法而其神至於內典無不通者家有所集秦漢以降古
帖八十五秩其博矣哉銘曰

君子學道 務在愛人 發為政事 澤必被民
維公之心 精內克 出而筮仕 一其始終
哀矜致刑 愷悌字眈 乃教子
仕 借此而 手足還 高堂萬里

宋楊次公證道牧牛頌

高五尺三寸廣二尺八寸頌四行行七字字徑二寸結
銜二行第一行十字第二行九字字徑五六寸正書

突出欄中不奈何
若無繩纒總由他
力爭牽尚不迴首
只麼因循放者多

朝奉郎知潤州賜紫金魚
袋楊次公證道牧牛頌



